

證治準繩

幼科集之七下

漢書門	
一三五	二四八
八〇一	二〇八
冊架	函號類

內閣文庫	
函	冊
一〇	一〇八
架	冊號類

內閣文庫	
番號	漢 12548
冊數	80 (58)
函號	301 61



瀉戶醫書

赤白痢

湯氏云小兒痢疾皆因飲食無節或餐果食肉不知厭是乃脾胃尚弱不能尅化停積於臟故成痢也熱搏則赤風寒之氣入於腸胃致令津液凝滯則成白痢或夾青者有驚積或如魚腦肚中疼甚者大抵八痢但冷熱赤白藥性雖有不同治法不相遠矣又有赤白相雜者當先去其熱積須用大黃枳實朴硝之類以去其熱毒然後黃連黃芩黃蘗解其熱痢自止疼自定此妙法也如痢不止則用地榆熟艾等劑調

可
卷十二

理自然平復脾虛者不可輕用罌粟澀滯等劑必致
危困須用沒石子黃連阿膠地榆以止之方爲盡善
其枳殼芍藥皆要藥也噤口痢不能食者石蓮散主
之香脯散亦可冷痢如豆汁肚疼者胃風湯主之脾
毒痢臟熱當服香連丸黃連香薷散去桂五苓散驚
茅花湯當歸芍藥枳殼地榆川芎等劑先與解毒退
熱却與開胃進食分利水穀寬腸定痛先與水浸丹
局方敗毒散熱初地榆飲寬腸枳殼散有熱而痢不
止者三黃熱艾湯主之積滯不通者神芎丸亦可用
熱甚煩躁者黃連解毒湯解之煩躁溼火散亦効

曾赤白之痢世人莫不曰赤爲陽爲熱白爲陰爲冷
或曰無積不成痢至於調治若以冷熱之劑互進或
投去積之藥必難取效不究其原何由可療且四時
八風之中人五運六氣之相勝夏秋人多痢疾內經
曰春傷於風夏生飧泄至真要大論曰少陽在泉火
淫所勝民病注泄赤白其可拘於無積不成痢之說
若專以積爲論豈一歲之中獨於夏秋人皆有積春
冬不然蓋風邪入胃木能勝土不爲暴下則成痢疾
赤白交雜此爲陰陽不分法當分正陰陽五苓散以
導其逆理中湯以溫其胃使色歸一然後施治若一

分之後仍赤白同下則當究其所患之因若先白後赤乃內傷生冷失於蓋覆由元氣感於暑熱治法先救其裏次解暑毒若先赤後白乃先傷熱而後失蓋感冷先宜解熱後治其痢 有夾熱而痢者則下純鮮血此風能動血宜冷服黃連香薷散 吐瀉 川草散及當歸散 潮熱 加醋炒蒸栢葉水薑煎服或菴活散加三和湯水薑倉米煎 有挾冷而痢者則下純白凍或白上有粉紅色或似豬肝瘀血皆為陰證蓋血得寒則凝澀故也先用咬咀五苓散加守中湯 瀉煎 投次以附子理中湯帶涼服或固真湯 慢驚 倘不辨

其虛實冷熱妄行施治必致脾胃愈虛不能乳食成噤口痢者則難療矣又有裏急後重蓋裏急為陽後重為陰未圍前腹痛為裏急已圍後腹痛為後重故裏急者大腸澀也先以大順飲加寬氣飲 急驚 和解及菴活散水薑倉米煎服次下寬腸丸後重為氣虛用咬咀五苓散加人參水薑煎服併投香連丸若二證俱作前二丸子並進或雙金飲金粟丸亦佳然瀉痢二字白是兩證糞夾水來多而順者曰瀉帶血凍白凍來三五點而痛者曰痢輕重陰陽於此而分斯為治法有膿血交雜經久不止晝輕夜重或晝夜頻

數食減痛多並用萬金散神効散主之 有五色痢者乃因五臟蘊熱日久不散故有是證蓋五臟受熱榮衛不調五穀不化熏腐臟腑神氣昏沉此候已危最苦是腹中刺痛兒小者無治法蓋五色者乃五臟之色皆見於外兒大者可用局方三神丸或小來復丹以五苓散送下或者可療若投藥如故不可爲也 又有風痢多是黃褐色與疳瀉頗同但不臭爲異耳此風毒停滯於脾宜去脾經風毒瀉黃散主之若見赤白同下久而不禁小便少澀痛熱並作唇裂眼赤氣促心煩坐卧不安狂渴飲水穀道傾陷時復面

容如粧飲食不進者難治 薛錢仲陽云瀉痢黃赤黑皆熱也瀉痢青白米穀不化皆冷也東垣云白者濕熱傷於氣分赤者濕熱傷於血分赤白相雜氣血俱傷也海藏用四君芎歸治虛弱之痢四君乾薑治虛寒之痢愚嘗治手足指熱飲冷者爲實熱用香連丸手足指冷飲熱者爲虛寒用異功散送香連丸若兼體重肢痛濕熱傷脾也用升陽益胃湯小便不利陰陽不分也用五苓散若濕熱退而久痢不愈者脾氣下陷也用補中益氣湯倍加升麻柴胡瀉痢兼嘔或腹中作痛者脾胃虛寒也用異功散加炮薑木香

或變而為瘧者肝剋脾也用六君升麻柴胡鈞藤鈞
若積滯已去痢仍不止者脾氣虛也用四君子送下
香連丸若因乳母膏粱厚味六淫七情致兒為患者
當各推其因仍兼治其母并參冷熱瀉及積滯腹痛
等證覽之

挾表發汗發表 羌活散 治傷風時氣頭痛發熱身

體煩疼痰壅咳嗽失音鼻塞聲重及解時行下痢
赤白

人參 去蘆 羌活 赤茯苓 去皮

柴胡 去蘆 前胡 去蘆 川芎

獨活 桔梗 剉炒 枳殼 去瓢麩炒

蒼朮 米泔水浸一宿去麩皮 甘草 各壹兩

右剉每服二錢水一盞薑二片薄荷三葉煎七分

無時溫服發散風邪入葱白同煎痢證薑倉米煎

有積宜下之 湯治痢之法若欲取積只用官局進食

丸 痞 甚穩雖取積又能治痢萬無一失積已下急以

四君子湯加豆蔻訶子補之次服厚腸香連丸得效

丹治小兒痢疾

黃連 黃芩 大黃

甘草

右煎服赤痢加紅花菔仁白痢加滑石末

治小兒赤白痢多體弱不堪下大困重者麻子壹合

炒令香熟為末每服一錢七蜜漿水和服効

水浸丹 治瀉痢先鋒之藥

黃丹 研細壹兩 巴豆 大者貳拾伍箇去皮膜研細出油或黃丹貳兩半

右研勻用黃蠟半兩鎔作汁拌勻量大小旋丸水

浸吞下湯使更臨病隨意用一方黃丹壹兩巴豆

肆拾玖粒乳香貳錢麻油貳錢蠟半兩鎔汁和丸

名頓止丹又冷證加木香貳錢半

寬腸丸 治痢後裏急大腑閉澀不通

枳殼 水浸去穰剉片麥麩炒微黃仍用清油浸透壹兩焙乾伍錢

麻仁 去殼 木通 去皮 大黃 半生

檳榔 大腹皮 淨洗焙乾各貳錢半

右除麻仁用乳鉢極細杵外五味檳榔不過火餘

焙同研成末入乳鉢中與麻仁再杵勻煉蜜丸棗

豆大每服三十丸至五十丸仍以枳殼甘草煎湯

空心送下一二歲嬰孩溫蜜湯下

熱痢用涼藥 海藏治赤痢用四君子加赤芍藥當歸

入粟米少許同煎

黃連解毒湯 治時疾三日已汗解苦煩悶乾嘔口

燥呻吟錯語不得卧亦治熱痢

黃連 叁錢 黃檗 半兩 梔子 肆箇

黃芩 壹兩

右剉散每服三錢水一盞煎六分去滓服

瀝火散 治中暑煩躁發渴口乾及治血痢

青皮 去白 赤芍藥 黃連 去鬚

地榆 各等分

右為細末每服一錢冷水調下如畜熱而氣血妄

行加甘草

芍藥葉皮丸 治一切惡痢窘痛膿血

芍藥 黃檗 各壹兩 當歸

黃連 各半兩

右為末滴水丸小豆大每服二三十丸熟水下加

枳殼

寬腸枳殼散 順氣止痢

甘草 陸錢 枳殼 去穰炒貳兩肆錢

右為細末每服一錢空心沸湯點服

三黃熟艾湯 治積藏府下痢赤白及治傷寒四五

日而大下熱痢服諸藥多不止宜服之

黃芩 黃連 黃檗 各柒錢半

熟艾半雞子大

右剉散每服三錢水一盞煎六分去滓溫服

地榆散 治瀉痢血痢

地榆

訶子

甘草各等分

右為末鹽米湯調下有熱加黃芩

又方

地榆

訶子

厚朴薑製各等分

右剉散每服二錢水一盞薑棗煎服

地榆飲 治冷熱痢腹痛下痢赤白頻併

地榆

甘草

芍藥

枳殼各貳錢半

右剉散每服二錢白水煎加黃連妙

又方

地榆

烏梅

檗皮

甘草

當歸各等分

右剉散每服二錢煎服

川草散 治腹痛下痢赤白不拘遠近

川芎

白芷

甘草半生半炙各柒錢

赤芍

當歸酒洗

淨黃連各伍錢

右剉焙為末每服半錢至一錢白水薑湯調赤

痢甘草湯調赤白痢温米清湯調並空心服

治熱痢備急方

用井花水調臘茶蜜磨生薑渴則飲之

本事治小兒赤痢

搗青藍汁二升分四服聖惠方治小兒中蟲下血

治小兒尿血

甘草伍分以水六合煎取二合去查一歲兒一日

服令盡

錢氏黃檗丸 治小兒熱痢下血

黃檗去皮半兩 赤芍藥肆錢

石為末飯和丸如麻子大每服一二十丸食前米

飲下量兒加減

梔子丸 治少小熱痢不止

梔子柒枚 黃檗叁分 黃連伍分

礬石肆分 大棗肆枚炙

右五味為末蜜丸如小豆大服五丸日三夜二服

不知稍加至十丸

外臺子芩湯 療小兒熱痢

子芩拾貳分 知母 女萎各陸分

竹葉切搗 黃檗 甘草炙各肆分

痢熱痢 刀斗七

右六味切以水二升煮取一升分服甚妙
聖惠梔子仁散 治小兒熱痢腹痛心煩口乾小便
赤黃不欲飲食

梔子仁

當歸

黃蘗

地榆

黃連

黃蘗

右件藥搗細羅為散每服以粥飲調下半錢日三
四服量兒大小加減

烏梅散 治小兒熱痢但壯熱多渴而痢不止

烏梅

黃連

藍葉

犀角

阿膠

甘草

右件藥搗麤羅為散每服一錢以水一小盞煎至
五分去滓放溫不計時候量兒大小分減服之
形證治赤痢開胃散

白朮

茯苓

人參

石蓮子

去皮殼
心拾箇

右為末藿香湯下半錢

孔氏治赤白痢骨立地榆一斤水三升煮升半去滓

煎如飴空腹服

黃連

例錢氏法

加黃蘗為二聖丸

治瘡

加橘皮為橘

連丸

治瘡

加榆仁為榆連丸

治瘡

加黃芩大黃為三

黃丸治積熱

加阿膠茯苓為阿膠丸治痢

加訶子木

香為小香連丸治痢

加豆蔻木香為豆蔻香連丸治瀉

加木香白附子為白附子香連丸治痢

歸乾薑為駐車丸治痢

冷痢用溫藥海藏治白痢用四君子等分加乾薑

減半入粟米少許同煎

大順飲見吐

養臟湯 主生津益氣溫腸止痢

人參去

甘草炙各貳錢半

白芍藥

白朮各半兩

南木香

肉桂去麤皮各壹錢

肉豆蔻

罌粟殼去蒂剉蜜水炒訶子肉各壹錢半

右件咬咀每服二錢水一盞薑二片棗一枚煎七

分空心溫服或入倉米同煎

廣濟療客冷白痢

人參陸分

厚朴炙

甘草炙各肆分

茯苓

桔梗各伍分

梁州檉皮捌分

右六味切以水三升煮取一升量大小可一合為

度以瘥止忌如常法

嬰孺治五六歲兒冷痢

當歸

黃連

龍骨各肆分

赤石脂

厚朴炙

乾薑

酸石榴皮

各貳分

右切以水三升半煮一升六合為四服相去一炊

久服

雄朱散 治小兒腸胃虛冷下痢頻併日夜疼痛不

可忍

雄黃

壹分細研水飛過

乳香

細研

白礬

煨各壹錢

右為末每服嬰孩一字二三歲半錢陳米飲調下

一日三服

玉脂散 治冷痢太便色青甚則有膿

白石脂

當歸洗焙乾

丁香

白朮

炮各壹兩

草豆蔻

去皮

厚朴

生薑汁製各半兩

右件搗羅為細末每服半錢以粥飲調下量兒大

小加減

治白痢艾湯

艾葉

微炒

當歸

各壹兩

乾薑

炮

木香

訶梨勒皮

炮各半兩

右件搗羅為細末每服一錢水八分一盞入粟米

少許煎至五分去滓溫服食前

養臟湯 治白痢頻併

當歸洗焙乾

烏梅肉炒乾

乾薑

黃耆

白朮炮

龍骨各壹兩

右件搗羅為細末每服一錢水一小盞生薑粟米各少許煎至五分去滓溫服乳食前量大小加減聖惠治秋深冷痢不止灸臍下二三寸動脈中三壯炷如麥

寒熱雜合香連丸 治赤白下痢煩渴作痛

南木香半兩不淨黃連壹兩剉用茱萸

烏梅肉貳錢半薄切用屋瓦慢火焙乾

右為末用阿膠半兩剉碎炒脹水化為糊候冷入

乳鉢內同前藥末亭分杵勻丸作麻仁大赤痢每服三十三丸至五十五丸或七十七丸甘草湯空心下白痢丸數同前白薑湯空心下赤白交作溫米清湯空心嚥服

金粟丸 治下痢赤白水穀不化

淨黃連壹兩 川芎 枳殼製

穀芽淨洗焙乾 赤茯苓去皮 白芷

南木香各半 神麩壹兩別研為末作糊

右除木香別剉不過火餘六味焙入木香同為末用神麩末煮糊丸粟穀大每服七十九至百九空

心温米清湯下或不拘時

白附香連丸 治腸胃氣暴傷乳哺冷熱相雜渴痢

赤白裏急後重腹痛扭撮晝夜頻併乳食減少

黃連

木香 各壹錢

白附尖 貳箇

右末飯丸如粟米大每服十九至二十九米飲

下食前日夜各四五服

荳蔻香連丸 治泄痢不拘寒熱赤白陰陽不調腹

痛腸鳴切痛立効如神

黃連 炒叁分

肉豆蔻

木香 各壹錢

右爲細末粟米飯丸米粒大每服十九至二十九

丸日夜各四服食前米飲下

木香丸 治小兒泄瀉青白膿血相雜

黃連

吳茱萸同炒去茱萸壹兩

肉荳蔻 煨貳箇

木香 壹錢

右爲細末麩糊丸如黍米大赤痢粟米飲下白痢

厚朴湯下空心服

小香連丸 治冷熱腹痛水穀利腸滑

木香

訶子肉 各壹分

黃連 半兩

右爲細末米飲和芫如菉豆大每服十九至三五

十九食前頻服之

吉氏香連丸 治赤白痢

黃連

木香

訶子皮

各壹兩

肉荳蔻

貳箇

子芩

半兩

右末蜜丸棗豆大空心煎醋漿湯下大人十九小兒五丸空心日午再服煎薑蜜湯下

白膿痢 嬰童寶鑑論小兒腸寒即下白膿腹痛

顛顛經治孩子冷毒疳痢白膿疳疔日加瘦弱不喫食腹痛

青木香

壹分

黃連

半兩

右末以蜜丸如梧子大一歲以上空心熟水下一

丸三歲五歲服二丸藥性熱不宜多服忌生冷聖惠收治冷熱痢二物等分

葛氏肘後雞子餅 療小兒秋夏暴冷痢腹脹乍寒乍熱白帶下

右用雞子壹枚胡粉壹丸碎絹篩合雞子黃白共搗研調熬令熟如常雞子餅兒年一歲一食半餅日再不過二餅即差兒大倍作凡羸弱不堪與藥宜與此餅

王氏手集治大人小兒純膿白痢其効如神脂附丸 大附子 壹枚

右先用豬膏搗成油半盞許蘸前件附子令裂澇
出放冷削去皮臍碾為細末以棗肉和丸大人如
梧子大小兒如菉豆六每服五七丸至十五二十
丸米飲湯送下空心食前服

朱氏家傳治小兒白膿冷痢臍下絞痛

訶子皮

青木香

各等分

右件並為末以粳米飯丸如菉豆大米飲下五丸
長沙醫者丁時發傳附子散治小兒疳痢多有白

膿腹內疳痛

附子炮去皮尖壹枚

龍骨

赤石脂

各半兩

蜜陀僧

黃丹

胡粉炒

烏賊魚骨

燒灰

赤芍藥

各壹分

右件為末每服半錢米飲下一日三服

純血痢 巢氏云小兒痢如膏血者此是赤痢腸虛極
腸間脂與血俱下故也 聖惠夫小兒血痢者由熱
毒折於血血入大腸故也血隨氣循環經絡通行藏
府常無停滯若為毒熱所乘遇腸虛血滲入於腸則
成血痢也 寶鑑小兒腸熱即痢下鮮血一如腸風
外臺廣濟療小兒熱毒血痢方

犀角

拾分

地榆

陸分

蜜

叁分

地麥草 伍合

右四味切以水三升煮取二升去滓量大小服之

又方

葱白 叁兩

香豉 叁合

梔子 綿裹柒枚

黃連 壹兩

右四味切以水二升煮取九合去滓分服

外臺劉氏療小兒血痢方

地榆

黃檗

黃連

黃芩 各陸分

馬蘭子 貳分

茜根 壹兩

生薑 叁分

右七味切以水二升煮取一升分服大小量之與

一合至二合為度

陳藏器小兒寒熱丹毒中惡注忤痢血方

右竝煮草犀根汁服之更良生水中者名水犀也

食醫心鑑治小兒血痢方

右取生馬齒莧絞汁一合和蜜一匙七空心飲之

聖惠治小兒血痢煩熱口乾腹痛黃連散

黃連 去鬚微炒

犀角 屑

白蘘荷根

黃芩

蔓青根

吳藍 各壹兩

白頭翁 叁分

甘草 炙微赤剉

當歸 剉微炒各半兩

純血痢

方十七

九

右件藥搗麤羅爲散每服一錢水一小盞煎至五分去滓不計時候量兒大小分減服之
聖惠治小兒血痢不差馬齒菜汁粥方

馬齒菜汁

壹合

蜜

半合

粟米

壹合

右以水一大盞煮作粥後入二味和調食前服之

張渙水蓼丹 治血痢疳瘦

蛇蛻皮

燒灰

雞頭殼

燒灰存性 各壹兩

胡黃連

水蓼

各半兩已上各搗羅爲細木次用

朱砂

半兩

真蓆蒼

牛黃

粉霜

各細研壹分

右件都拌勻再研細軟飯和如黍米大每服五粒

至七粒麝香湯下量兒大小加減不拘時候

張渙治熱乘於血滲入腸胃其病則赤黃連丹方

黃連

去鬚貳兩

當歸

洗焙乾壹兩

白頭翁

蔓青根

湯洗焙乾各叁分

木香

川棟子

麪裹炮各半兩

右件搗羅爲細末粳米飯和丸黍米大每服十粒

米飲下量兒大小加減

張渙茜根湯 治血痢不差

茜根

剉

地榆

剉

黃連

去鬚

赤石脂

阿膠炙 各

甘草炙

黃蘗各半

右件藥搗羅為細末每服一錢水八分煎至五分去滓放溫服

張渙厚腸丹 治血痢腸虛

黃連去鬚

川棟子各壹

木香

阿膠炙

吳茱萸微炒

當歸洗焙乾 各半兩

右件搗羅為細末粟米飯和丸黍米大每服十粒米飲下乳食前量兒大小加減

張渙聖効散 治血痢久不差

赤石脂燒赤

白龍骨

阿膠炙 各壹兩

訶梨勒皮

木香

乾薑炮

黃連

甘草炙 各半兩

右件搗羅為細末每服半錢煎粟米飲調下食前

張渙必效丹 治血痢頻併

川黃連去鬚 貳兩

大棗半升

乾薑壹兩

白礬半兩

右件用瓦器盛鹽泥固濟留一竅子以木炭火燒煙息為度取出搗羅為末白麩糊和丸黍米大每服十粒米飲下量兒大小加減

錢乙附方 治小兒熱痢下血

黃檗 去皮半兩

赤芍藥 肆錢

右同為細末飯和丸麻子大每服一二十粒食前米飲送下大者加丸數

吉氏家傳治小兒血痢方

右用宣連為末以雞子搜作餅子炭火煨令通赤便蓋着勿令泄氣候冷細研空心米飲下半錢大人一錢以意加減服

又方

右只用熟水調下好鬱金末半錢

吉氏家傳地榆散 治小兒血痢日久不差

地榆 壹分炒

訶子 伍箇炮去皮

陳槐

黃連 各壹錢炒

右為細末每服半錢或一錢陳米飲下

膿血相雜痢 聖惠夫小兒膿血痢者由熱毒在藏血

得熱則流溢滲入大腸與腸間津液相搏積熱蘊結血化為膿腹虛則泄故成膿血痢也

葛氏肘後小兒毒下及赤滯下如魚腦白頭翁丸方

白頭翁 叁分

黃連 陸分研

石榴皮 叁分有毒除石

榴皮用犀角屑叁分

右三物以水二升煮取八合兒生四十日以五合為三服大者則加藥

肘後乳母方

扁豆莖

壹升炙令乾乃切之

人參

叁兩

右以水三升煎取一大升半去滓取汁煮粟米粥與乳母食之良常編蓋覆乳勿冷佳又法乳母常食粥仍欲乳兒先捨去少許即當佳

肘後近效方療小兒三歲即患痢初患膿少血多四日膿多血少日夜四十餘行朱子丸方服即效

生地黃

汁伍小合

羊腎脂

壹小合

右先溫腎脂令煖分三四服立效乳母須禁食并有乳母方在前

千金黃蘗湯

治小兒夏月傷暑寒折大熱熱入

胃下赤白滯如魚腦壯熱頭痛身熱手足煩此太陽之氣外傷於寒使熱氣便入胃也服此方良若誤以利藥下之或以溫脾湯下之則熱劇以利藥下之便數去赤汁如爛肉者或下之不差後以瀝熱藥斷之下既不止倍增壯熱者服之即效或是溫病熱盛復遇暑寒折之熱入腹中下血如魚腦者服之良

黃檗

黃連

白頭翁

一作白欵

升麻

當歸

牡蠣

石榴皮

黃芩

寄生

甘草

各壹貳分

犀角

艾葉

各壹分

右十二味咬咀以水三升煮取一升二合百日兒至二百日一服三合二百餘日至暮歲一服三合半

千金治小兒赤白滯下雜方 薤白壹把豉壹升以

水三升煮取二升分三服 栝葉麻子末各壹升

以水五升煮三沸百日兒每服三合 亂髮灰鹿

角灰等分三歲兒以水和服三錢七日三 牛角

鰓灰水和服三方寸七 搗石榴汁服之 燒蜂

房灰水和服之 生地黃汁白蘘荷根汁各伍合

微火上煎 單服生地黃汁一合

聖惠吳藍散 治小兒膿血痢如魚腦腹痛

吳藍

川升麻

赤芍藥

龍骨

各壹兩

梔子仁

半兩

右件藥搗麤羅爲散每服一錢水一小盞入豉三七粒煎至五分去滓不計時候量兒大小分減溫服

楞根皮散 治小兒膿血痢如魚腦困重

臭楞根皮 壹分剉 炒微黃

枳殼 去瓢麩 炒微黃

黃連 去鬚 微炒 蕪荑 微炒

赤芍藥 各半兩

右件藥搗麤羅為散每服一錢以水一小盞入豉三十粒葱白一莖煎至六分去滓不計時候量兒大小分減溫服

人參散 治小兒膿血痢多時不差腹痛羸瘦不欲飲食

人參 去蘆 頭 當歸 剉微炒

地榆 微炙

阿膠 搗碎炒 令黃燥 黃連 去鬚 微炒

子芩

黃蘗 微炙 剉

赤芍藥

蕪荑 微炒

厚朴 去麤皮塗生薑汁 炙令香熟各半兩

右件藥搗麤羅為散每服一錢以水一小盞入薤白一莖豉五十粒煎至五分去滓不計時候量兒大小分減溫服

雞屎礬丸 治小兒膿血痢不差漸加瘦弱

雞屎礬 燒灰 龍骨 阿膠 搗碎炒 令黃燥

黃連 去鬚 微炒 各壹兩 胡粉 壹分炒 微黃

右件藥搗羅為末煎醎醋為膏和丸如菉豆大每服以煖漿水下七九日三四服量兒大小以意加

減

養生必用黃連阿膠丸 治熱痢下重膿血疼痛腹

中痛不可忍老人產婦虛勞人小兒竝宜服

黃連 去鬚壹兩半

白茯苓

白芍藥

阿膠 杵碎慢火炒如珠子白

右三物為細末斟酌米醋多少熬膠得所和勻

入白杵萬下衆手丸如菉豆大每服自二十九為

始止於五十九食前温米飲下日二三以知為度

未知加藥更丸一等如黃米大與小兒服

燔髮散 治腸澼下膿血

白石脂 壹分

髮 燒

甘草 炙各貳分

右為末米汁和二刀圭日二服

張渙建胃丹 治泄利兼膿血日漸羸瘦

黃連 壹兩去鬚微炒

白礬 壹分枯令汁盡

烏梅肉 炒

龍骨

白石脂

神麴 炒

乾薑 各半兩

石件搗羅為細末醋煮麩糊和丸黍米六每服十

粒米飲下量兒大小加減

青橘丹 治冷熱相交赤白相雜膿血

青橘皮 湯浸去白焙

當歸 湯洗

黃連

痢

乾薑 各壹兩

厚朴 生薑製

肉豆蔻 各半兩

右件搗羅為細末白麩和丸黍米大每服十粒米飲下食前

長沙醫者王允傳通神丸 治小兒大人痢疾下膿血裏急腰重臍腹疼痛

沒藥

五靈脂

乳香 各研細炒壹錢

巴豆 柒枚去皮心膜壓出油

右四味同研令細勻滴水為丸如粟米大每服一粒生木瓜研水下不拘時候

五色痢形證論歌曰五色之痢最多端見此方知有

五般青色只因驚積聚黃多食積在脾間白色冷虛腸胃患赤為積熱最難安雞肝隱積多成片黑血相和不易安唇搖胸高兼露齒臉紅筋出每居前急安藏府和湯散醫者留心按古賢 又歌曰五色之痢莫言奇四歲之前始有之青色只因驚積聚黃因食積毒於脾赤黑已知心腎病白多殘害是脾為三七以前無變動休令多睡飲餐遲 此疾且須和五藏補榮衛方漸漸安瘡如目腫不進飲食 楊云是惡候 只與調胃散補之

漢東王先生鮓湯丸 治小兒瀉痢五色膿血如爛

痢五色痢

刀斗二

二頁

魚腸竝無大便只是膿血腸中攪痛

粉霜

輕粉

硃砂各壹錢

朱砂抄壹錢七

白丁香匙抄肆錢

乳香半錢別研

巴豆柴粒去皮心不出油

右為末蒸棗肉丸每服嬰孩三九如粟米大二三

歲如大麻子大四五歲亦如麻子大竝旋斲成丸

煎鮮湯吞下一日二服間調胃氣藥與之

三十六種內治下五色惡物心神煩熱不止方

地榆

白茯苓

黃檗炙各壹兩

右為末每服一錢水一盞煎至五分去滓分三服

三霜丸 治小兒赤白或五色積痢

巴豆去皮揀選白色肥好者參錢研細先用白絹包三二十重次用白紙外面包定大石

壓令油盡取貳錢輕者為用

真輕粉

粉霜各貳錢

右三味同研勻極細別取好黃蠟參錢酒煮三二

十沸取出去酒令淨再鎔入藥和之如有煮酒蠟

亦堪用和成劑油單內盛如服食旋丸如小菜豆

大三歲以下如粟米大每服三五丸溫熟水下量

兒大小加減

吉氏家傳治五色痢兼渴不止方

茯苓

宣黃連

黃檗各等分

右件取黃檗末以漿水如麪糊良久和前二味爲丸如菜豆大三歲米飲下七丸殺疳熟水下五丸至聖丸 治五色痢

厚朴

去皮薑製

黃檗

略去皮以雞子白塗炙黃熟如乾再上

當歸

酒浸

右三味等分細末煉蜜爲丸如梧桐子大小兒細

丸厚朴湯下每服四十九丸加減

定粉散 治疳痢五色痢

定粉

龍骨

黃丹

煨過各貳錢

訶子

兔箇煨熟取肉

右爲末每服半錢粥飲下三歲以上半錢

噤口痢

石蓮散

治小兒噤口痢噦逆不食止而復

作

蓮肉

去心炒

右爲末每一錢米飲調服 一方用山藥爲末米

飲調下亦可

香脯散 治小兒刮腸下痢噤口不食閉眼合口至

重者

精豬肉

壹兩薄批一片

膩粉

右將肉於炭火上慢炙旋鋪膩粉炙令成脯每以

少許與喫如未知喫且放鼻間自然要喫此方治
胃口有毒至奇至妙

丹小兒噤口痢釀乳法

厚朴

枳殼各伍分

白朮

芍藥

各半兩

滑石壹兩

木通

陳皮

甘草各伍分

右分四貼細研桃仁柒枚水二盞半煎取一盞與
母服服時去宿乳令盡為妙

休息痢

肘後治下痢經時不止者此成休息方

取龍骨炙令黃焦搗服方寸七日三服即愈

又方

用龍骨肆兩搗如小豆大水五升煮取二升半冷
之分為五服效

保生信效松焙餅子 治一切塊癖積滯氣血疲聚

等一二十年者

細墨

焙

芫花

醋浸炒焦赤

青礞石

大戟

乾漆

炒

五靈脂

京三稜

蓬莪茂

蜜陀僧

陳橘皮

去白

牡蠣

燒各半兩

巴豆

壹兩去皮用濕紙卷

處裏燒紙焦止

大乾棗

拾肆箇去核燒存性

可休息痢

方十一

二十一

白丁香

斑猫各壹分

硃砂研

蠶蟲去翅足

右同為細末醋煮麩糊丸如皂子大捏作餅子記以所傷物煎湯或麩湯送下一丸須以齒齧嚥之其積漸漸移近下再服再覺移下更一丸則積自下若尋常要宣轉只以麩湯下血積塊瘕經血閉塞大人小兒久痢膿血休息惡痢皆治之
玉命丹 治小兒久患赤白痢及休息痢不止腹肚虛鳴日漸羸瘦掃眉多喫泥土可食者

硫黃研

蜜陀僧

黃丹各半兩

寒水石

白礬

各研貳兩用新瓦餅子入五味用鹽泥固濟煨令通

赤研勻細

麝香

壹字

右件六味研勻以蒸餅為丸如小菘豆大每服十粒用烏梅甘草煎湯下大小加減忌生冷毒物鮓麩等

蠱痢巢氏病源小兒蠱毒痢候歲時寒暑不調而有毒厲之氣小兒解脫為其所傷邪與血氣相搏入於腸胃毒氣蘊積值大腸虛者則變痢血其痢狀血色蘊瘀如雞鴨肝片隨痢下此是毒氣盛熟食於人藏狀如中蠱故謂之蠱毒痢也 石壁經脾毒痢歌曰

脾間有毒號純陽本為醫人熱藥傷致使大腸多結
澀多饒滴血在枯腸如風腹閉難開眼身熱頭溫脚
轉涼舌赤胸高為此候多喘喘急更如狂先須解熱
并開胃便是明醫用藥良 此脾受熱積失治則伏
毒治當涼脾次去其積若胸前骨忽然高者更加喘
急則不治也 鳳髓經歌同有注云宜與金華散實熱
香連丸即古氏香連丸見前條形證論風毒痢歌入痢之中
風轉難形如青草汁多般毒風豆汁添邪熱胃敗雞
肝片片全加赤不須先下積閉眸食絕不堪看若歸
白痢還須下藏府頻溫得本源

千金治下血狀如雞肝腹中攪痛難忍號蠱毒痢方

茜根

升麻

犀角

各叁兩

桔梗

黃檗

黃芩

各貳兩

地榆

白蘘荷

各肆兩

右八味咬咀以水九升煮取二升半分三服此蠱
痢血用之小兒分減服

圖經治蠱痢方

側柏葉

焙乾為末

川黃連

等分

右二味同煎為汁服之以療男子婦人小兒大腹
下黑血茶脚色或膿血如淀所謂蠱痢者治之有

殊効又能殺五藏蟲

于母祕錄小兒蠱毒痢方

右用生地黃湯一升二合分三四服立效

聖惠藁荷散 治小兒蠱毒痢不止身體壯熱煩悶

白藁荷根

川升麻

敗鼓皮

壹分炙黃焦

甘草

乾藍葉

赤芍藥

犀角屑

右件藥搗麤羅為散每服一錢以水一小盞入鼓二七粒煎至五分去滓不計時候量兒大小分減

溫服

聖惠黃連散 治小兒蠱毒痢血體瘦

黃連

敗鼓皮

白頭翁

甘草

藍青

犀角

白藁荷根

黃芩

茜根

右件藥搗麤羅為散每服一錢以水一小盞煎至五分去滓放溫不計時候量兒大小分減服之

聖惠犀角散 治小兒蠱毒血痢發盛心神煩悶腹

脹不欲飲食

犀角

白藁荷根

地榆

桔梗

蘇枋木

右件藥搗麤羅為散每服一錢以水一小盞煎至五分去滓計時候量兒大小分減溫服

嬰孺藁荷根 治小兒蠱毒痢

白藁荷根 捌分 犀角 屑 穀皮 肆分

升麻 拾分 甘草 肆分 藍青 壹升

豉 叁合 芍藥 柒分

右以水四升煮一升二合二歲兒為三服

嬰孺犀角煎 治小兒穀痢挾毒

地脉草 黃連 葳蕤 各拾貳分

黃檗 竹茹 茜草 各捌分

蜜 壹升 人參 陸分 牡蠣 拾分

梁州樺皮 拾肆分 乾藍 肆分 犀角 屑

甘草 各伍分

右切以水一斗煮及二升半絞去滓下蜜火上煎

餘二升三歲一合三四歲一合半日二夜一量與

之

張渙白頭翁散 治蠱毒痢及肛門脫出

白頭翁 黃連 去鬚微炒 茜根 乾

蘇枋木 故舊鼓皮 炙令黃焦

犀角 屑 地榆 炙剉各半兩 甘草 壹分

右件搗羅爲細末每服一錢水一小盞煎六分去滓服量兒大小加減乳食前

地榆丹 消毒止痢

地榆 炙剉

黃連

乾藍葉

川升麻 各壹兩

川棟子

苦棟根 各半兩

右件搗羅爲細末軟飯和丸黍米大每服十粒米飲下量兒大小加減乳食前

宣連丸 治毒痢

宣連

壹錢作散用雞子清和作餅於瓦上燒乾再爲末入乳香不拘多少紙裏火煨黃色

肉豆蔻

壹箇去心臍肉

朱砂

木香 各壹錢

杏仁 米粒和皮燒

巴豆

肆粒燒柴粒亦得

右爲末醋糊丸如蘿蔔子大陳米飲下七粒赤痢槐花湯下

寶童方 治藏毒痢爲喫諸藥不愈者

槐花 半兩炒

白礬 壹兩

右爲末每服一錢用陳米飲下

孔氏家傳治蠱小品方

取薺苳根搗末以飲服方寸七立差 一方可入

地榆臭椿根同服

收瀝 雙金飲

治下痢赤白晝夜頻數及泄瀉經久

大罌粟殼

去蒂剉碎蜜水炒透候乾壹兩

大川芎

剉碎醇醋炒透

候乾半兩

右二味再曬或焙為末每服一錢至二錢用占米

清湯空心調服或溫蜜湯下

萬金散 治水瀉下痢久不瘥者

罌粟殼

去蒂貳兩一兩剉碎醋蜜炒一兩生用

甘草

不去節貳兩一兩炙

一兩生用

陳皮

去白貳兩

烏梅

和核壹兩

右碎每服二錢熱湯一盞略煎二沸和查傾出盞

內上以盞蓋定候澄清去查空心溫服

神効散 治赤白痢晝夜頻數食減腹痛小便不利

罌粟殼

去蒂剉碎便蜜炙炒

白芷

烏梅

和核各壹兩

撫芎

各半兩

右碎每服二錢水一盞煎七分空心溫服

補中益氣湯

四君子湯

六君子湯

異功散

參苓白朮散

升陽益胃湯

黃耆

半夏

人參

甘草

白朮

黃連

獨活

防風

白芍藥

痢疾

羌活各伍分

陳皮

茯苓

柴胡

澤瀉各叁分

右水二鍾薑三片棗二枚煎四分食遠服

烏蘇各壹分

厚朴各壹分

檳榔各壹分

墨粟去帶生用

白芷各壹分

瀉痢兼證

渴巢氏病源小兒利兼渴候此是水穀利津液枯竭
 腑臟虛燥則引飲若小便快者利斷渴則止若小便
 澀水不行於小腸滲入腸胃渴亦不止利亦不斷凡
 如此者皆身體浮腫脾氣弱不能尅水故也亦必眼
 痛生障小兒上焦本熱今又利下焦虛上焦熱氣轉
 盛熱氣熏肝故也 茅先生以為食傷脾胃所致先
 用醒脾散勻氣散調一日後下調中飲三方俱不乳食夾乳
 香散瀉龍涎膏瀉調理即愈 千金單搗冬瓜汁飲

瀉痢兼證

二五

之

千金治少小壯熱渴引飲下痢龍骨湯

龍骨

甘草

大黃

赤石脂

石膏

桂心

寒水石

蘇蠶

右八味治下篩以酒漿君五合煮散合二沸去滓

量兒大小服之

外臺麥門冬湯 療少小夏月藥大下後胃中虛熱

渴

麥門冬

甘草

枳實

黃芩

人參

龍骨

右六味切以水二升煮取九合去滓分溫服

外臺檉皮飲子 療小兒渴痢

梁州檉皮

菰藨

茯苓

人參

粟米

右五味切以水三升煮取一升二合去滓分服量

大小與之

外臺劉氏療小兒痢渴不徹肚脹不能食方

訶梨勒皮

桑葉

右二味切以水一升煮取五合去滓分服之亦治

大人

子母祕錄小兒赤白痢渴及得水喫又嘔逆方

右炙楮葉令香黃以飲漿半升浸楮葉使水綠色

然後去葉以木瓜壹箇切內葉汁中煮三二沸去

木瓜使煖細細服渴停

聖惠黃耆散 治小兒痢渴心胸煩悶不欲飲食

黃耆剉

麥門冬去心

黃芩各一分

烏梅肉參枚

龍骨壹兩

白朮

黃連微炒去鬚

各半兩

右件藥搗麤羅為散每服一錢以水一小盞煎至

五分去滓不計時候量兒大小分減溫服

黃芩散 治小兒痢渴不止

黃芩

訶梨勒煨用

檮株皮各半兩

訶藪根

黃連去鬚

當歸剉微炒

烏梅肉壹分

微炒

右件藥搗麤羅為散每服一錢以水一小盞煎至

五分去滓不計時候量兒大小分減溫服

當歸散 治小兒痢渴腹內疼痛不止

當歸剉微

黃連微炒

黃耆剉各

乾薑剉

炮裂

甘草炙微赤

剉

海州集記 卷下七

右件藥搗麤羅為散每服一錢以水一小盞煎至五分去滓不計時候量兒大小分減溫服

龍骨散 治小兒痢渴體熱煩悶

白龍骨 壹兩 胡黃連 半兩 茯神

人參 去蘆頭 茅根 剉 麥門冬 去心焙

右件藥搗麤羅為散每服一錢以水一小盞煎至五分去滓不計時候量兒大小分減溫服

藍葉散 治小兒痢渴煩熱不止

藍葉 貳分 赤茯苓 壹分 赤石脂 壹兩

黃連 微炒 冬瓜仁 醋石榴皮 剉碎

各半

右件藥搗麤羅為散每服一錢以水一小盞煎至五分去滓入蜜半茶匙更煎三兩沸不計時候量大小分減服之

地榆散 治小兒痢渴或下五色惡物心神煩熱不止

地榆 白茯苓 黃檗 微炙剉

右件藥搗麤羅為散每服一錢以水一小盞煎至五分去滓不計時候量兒大小分減服之

黃連散 治小兒痢渴煩熱喫水不知足

海州集記 卷下七

黃連

去鬚 微炒

牡蠣

燒為粉 各半兩

烏梅肉

微炒

甘草

炙微 赤剉

訶梨勒

煨用皮 各壹分

右件藥搗麤羅為散每服一錢以水一小盞煎至

五分去滓不計時候量兒大小分減溫服

檉皮散 治小兒痢渴不止

檉株皮

壹兩

訶梨勒

白茯苓

各叁分

人參

半兩去 鹿頭

右件藥搗細羅為散不計時候以粟米飲調下半

錢量兒大小以意加減

甘草散 治小兒痢渴不止

甘草

炙微 赤剉

烏梅肉

微炒各 壹兩

訶梨勒

貳枚煨 用皮

右件藥搗麤羅為散每服一錢以水一小盞入生

薑少許煎至五分去滓放溫不計時候量兒大小

分減服之

黃芩丸 治小兒痢渴不止壯熱腹痛

黃芩

訶梨勒

黃連

去鬚 微炒

當歸

剉微炒 各叁分

臭檉株皮

炙微 黃剉

訶梨勒

煨用皮 各半兩

烏梅肉

伍枚 微炒

右件藥搗羅為末鍊蜜和丸如菽豆大每服以粥

飲下七丸日三四服量兒大小加減服之

大醫局人參散 調中和氣止嘔逆除煩渴治昏困
多睡乳食減少及傷寒時氣胃氣不順吐利止後
躁渴不解

人參去蘆頭

白茯苓去皮各壹兩 木香

甘草炙別

藿香葉各壹分 乾葛劉貳兩

右件為末每服一錢水一中盞煎七分去滓放溫
服不計時候

嬰孺子芩湯 治小兒大熱痢兼渴增寒

子芩

枳殼炒

黃蘗各肆分

石膏拾貳分

竹葉切壹升

檉皮拾分

人參柒分

右以水五升煮一升六合七歲兒為三服四五歲
兒為四服以次量與之服

馱馱湯 治小兒有熱不調渴痢

馱馱

知母

茯苓各捌分

甘草

黃蘗各肆分

人參陸分

黃芩

檉皮各拾分

右以水五升煮一升半五六歲兒為三服
冬瓜湯 治小兒渴不止痢不住

冬瓜切捌合

馱馱拾貳分

茯苓

知母各捌分

麥門冬伍分去心

粟米貳合半

右水五升煮一升四合新布絞去滓量兒與之

張渙建胃散 治泄瀉身熱煩渴

厚朴去麤皮生薑汁製炙香熟

川黃連

肉豆蔻各壹兩

縮砂仁

乾薑炮

白朮炮

木香各半兩

右件搗羅為細末每服一錢水一小盞入生薑粟

米少許煎至五分去滓溫服

碧香丹 治小兒吐利後大渴不止不得眠睡甚則

成疖

天竺黃

龍骨

不灰木燒赤放冷

赤石脂各壹兩為末

鐵粉

定粉

鉛白霜

細蛤粉各壹兩並細研

右件通拌勻入麝香半兩同研勻滴水和丸如雞

頭大每服一粒至兩粒用炮螺兒兩箇研細沸湯

浸水沉極冷化下大渴即與服神驗

寶鑑竹茹丸 治小兒渴瀉

黃連

壹兩好者剉作塊子一相似茱萸壹兩二味相和滴蜜炒令黃赤色去了茱萸

右件為末薄糊為丸如蘿蔔子大每服十九竹茹

煎飯飲吞下

人參白扁豆散 治脾胃不和不思飲食吐瀉渴水
及小兒虛熱煩躁

人參

白扁豆 去皮炒熟

白朮

茯苓

罌粟子

甘草 炙

山藥 各半兩

右為末每用二錢水一中盞入薑二片棗半箇同煎至七分通口服如腹痛加紫蘇煎小兒虛熱加薄荷同煎

吉氏家傳治五痢喫湯不徹肚脹不食方

訶子皮

桑白皮 各陸錢

右水二升煎三合服之立差

吉氏六神丸 治疳瀉渴飲無度

木香

丁香

豆蔻 以麩裹此

火煨候麩熟為度

史君子 去殼

訶子 去核各半兩

蘆薈 金兩

右件為末棗肉丸如菉豆大每服三五丸米飲吞下

腹瀉 聖惠黃連散 治小兒久赤白痢不止腹痛羸

弱不欲飲食

黃連 壹兩去鬚微炒

厚朴 去麁皮塗生薑汁炙令香熟

高麗參 登腹痛

乾薑炮裂

木香

艾葉微炒

龍骨各半

當歸剉微炒

黃牛角鯁燒灰

烏梅肉壹分

右件細末每服以粥飲調下半錢日三四服量兒大小加減服之

黃藥丸 治小兒久白痢腹脹疔痛

黃藥微炙

當歸剉微炒

右件藥搗羅為末煨大蒜和丸如菘豆大每服以粥飲下七丸日三四服量兒大小加減服之

木香散 治小兒久赤白痢腹脇疼痛

木香

訶梨勒煨用

臭椿株皮微炙

木賊

黃連去鬚微炒

右件藥搗細羅為散每服以粥飲調下半錢日三四服量兒大小以意加減

肉豆蔻散 治小兒久赤白痢腹內疔痛全不思食

漸至困羸

肉豆蔻參枚

青橘皮湯浸去白瓢焙

黃牛角鯁炙令

當歸

地榆

厚朴去麩皮塗

熟香

黃連去鬚微炒

乾薑壹分

右件藥搗細羅為散每服以粥飲調下半錢日三

四服量兒大小臨時加減

龍骨丸 治小兒久赤白痢不止腹痛

白龍骨

黃連 去鬚 微炒

黃檗 微炙

木香

訶梨勒 煨用皮 各壹分

胡粉 微黃

白礬 燒令 汁盡

乾薑 炮裂

當歸 微炒 各半兩

右件藥搗羅為末煉蜜和丸如棗豆大每服以粥

飲下五九日三四服量兒大小臨時加減

錢氏小香連丸 見前

張渙順胃丹

治瀉利蟲煩腹痛

高良薑

乾漆

肉桂 各壹兩

白朮 炮

肉豆蔻仁 各半兩

右件搗羅為細末白麩糊和丸如黍米大每服十

粒粟米飲下量兒大小加減

建中丹 治泄注不止腹痛多啼

胡椒

蓬莪茂

肉豆蔻 各半兩

全蠍 壹分

右件為細末白麩糊和丸如黍米大每服十粒米

飲下

九籥衛生固氣丸 療小兒脾胃虛怯泄瀉腹痛

用絕大肉豆蔻壹枚劈破填滴乳香壹塊用醇麩

裹慢火內煨候麪熟爲度去麪不用將肉豆蔻乳香同爲細末麪糊和丸如棗豆大每服二十九乳食前米飲下

張氏聖餅子 治小兒久痢腹痛脫肛下血

神麪 壹兩 膩粉 壹錢

右件二味拌合令勻後以雞子清調拌上件藥稀稠得所捏作餅子如錢大小於火上炙令黃熟每服一餅於早晨空心同油餅喫之後進飲少許

吉氏紫霜丸 治小兒久積胸高羸瘦赤白痢疾肚腹痛甚

丁頭代赭石 半兩火煨五遍醋淬五遍 杏仁 貳米粒取霜

乳香 朱砂 木香 各壹錢

宣黃連 壹分去頭 輕粉 半錢 麝香 少許

肉豆蔻 貳箇麪裹炮 巴豆 拾粒取霜

右爲細末稀麪糊爲丸如梧桐子大每服七丸至十五丸紫蘇飯飲吞下

疳積 巢氏云小兒腸胃虛弱受風冷 聖惠作挾疳氣 則下利

利斷後脾胃尚虛穀氣猶少不能榮血氣故羸瘦外臺劉氏療小兒痢後虛手足心熱痢縱未斷亦可服之方

橘皮

生薑各參分

右二味切以牛乳半升煎取四合去滓分温服之

聖惠桔梗丸 治小兒久利不斷羸瘦食不消

桔梗去蘆頭

神麴微炒各壹兩

麥蘖

烏梅肉微炒

厚朴去麴皮塗生薑汁炙令香熟

白木

人參去蘆頭

赤石脂

黃芩

龍骨

桂心

甘草炙微赤剉各半兩

黃連壹兩半去鬚微炒

黃雌雞骨壹具淨洗

去肉酒浸一宿炙令黃

右件藥搗羅爲末煉蜜丸如菉豆大每服以粥飲

下五丸日三服量兒大小加減服之

雄黃散 治小兒久痢不差羸瘦壯熱毛髮乾焦不能飲食

雄黃

蘆薈

青黛

朱砂

熊膽

麝香各細研

龍膽去蘆頭

黃連去鬚微炒

黃檗微炙剉

當歸炒微

白芷

細辛

甘草炙微赤剉各壹分

蚱蟬米枚去足

乾蝦蟇壹兩塗酥炙令黃焦

右件藥搗細羅爲散入研了藥更研令勻每服以

井華水調下半錢日三四服量兒大小以意加減

聖惠方卷之七

五

雞子粥 治小兒下痢不止瘦弱

雞子 壹枚 糯米 壹合

右煮粥臨熟破雞子相和攪勻空腹入少醋食之

張渙龍骨湯 治小兒痢久成疳漸漸黃瘦

龍骨 訶梨勒皮 炒 赤石脂 各半兩

醋石榴皮 炒黃 木香 史君子仁 各壹分

右件搗羅為細末每服半字至一錢點麝香湯調

下

浮腫 惠濟論小兒痢瘥後遍身腫候歌 冷痢日久

失醫治遍身浮腫却如吹脉洪是氣化為水沉實還

因積有之順氣腫消為上法氣平兩日定多尿黃交

食飽還憂滯此疾元因積損脾

惠濟論塌氣散

藁香 白牽牛 甘草 各炒

木香 各壹錢

右為末每服半錢紫蘇湯下

止渴聖効散 治小兒因吐利氣虛津液減耗生疳

煩渴飲水不休面腫脚浮腹大頭細小便利白全

不喫食

乾葛 白芷 各貳兩一兩炒

馬前集卷之五

法并辨論

卷七

五

細墨或兩一兩火煨

黃丹或兩一兩炒紫色一

兩生用

右同為細末每服半錢倒流水調下

木香各當

藿香

白朮

少蘇為根原精

因用此法即愈

腹痛

楊夫腹痛者多因邪正交攻與臟氣相擊而作也挾
 熱而痛者必面赤或壯熱四肢煩手足心熱見之挾
 冷而痛者必面色或白或青手足冷者見之冷甚而
 變證則面黯唇口俱黑爪甲皆青矣熱證四順清涼
 飲裏熱加青皮枳殼冷證七氣湯加辣桂調蘇合香
 丸若邪正交攻冷熱不調桔梗枳殼湯加青皮陳皮
 木香當歸為妙若內吊等證則釣藤散夜啼其餘則
 芍藥甘草湯為要藥也實痛有熱者大柴胡湯傷寒

復痛

刀斗七

五

主之心腹痛甚有實熱者大承氣湯傷寒下之腹痛

桂枝加芍藥痛甚桂枝加大黃一方並見痘疹薛小兒腹

痛口中氣冷不思飲食脾土虛寒也用調中丸不乳食

主之口中氣溫大便酸臭積痛也用下積丸治之面

赤壯熱或手足並熱實熱也用瀉黃散脾瀉之面黃

微熱或手足並溫虛熱也用異功散吐瀉補之若作

渴飲湯胃氣虛熱也用白朮散渴若痛連兩脇肝木

乘脾也用四君子湯吐瀉加柴胡芍藥若腹痛重墜

脾氣下陷也用補中益氣湯虛熱加升麻若手足指

冷或吃逆瀉瀉寒水侮土也用六君炮薑肉桂不効

急加附子若服尅滯之藥致腹作痛按之不痛脾氣

復傷也用五味異功散中脘痛者屬脾少腹痛者屬

腎按之痛者為積滯不痛者為裏虛積滯者消之虛

者補之 婁氏分曲腰乾哭無淚者為盤腸內釣痛

面眇白不思食為胃冷痛 面赤唇焦便黃為熱

痛 面黃白大便醋臭為積痛 口淡而沫白出為

蟲痛 曾氏又有臟寒痛鎖肚痛癥瘕痛疝痛癖痛

吊腎痛偏墜痛寒疝痛 各有治法今臚列於後

寒痛茅先生歌云面青面白猶自可黑色如青瓜一

同此是腹心生冷痛須將溫藥裏頭攻 錢氏云胃

虛冷回饒白色腹痛不思食當補益脾益黃散主之
若不_{益黃散治下利而痛也}下利者調中丸主之
調中丸_{調中丸治不利而痛也}
曾氏臟寒痛議附胎寒論後
益黃散_脾

調中丸

白朮

人參

甘草炒各半兩

乾薑炮肆錢

右爲細末蜜丸如菉豆大每服五七丸至十五丸

食前溫水下海藏云仲景理中例也

當歸散 凡小兒夜啼者藏寒而腹痛向青手冷不

吐乳是也宜此方服之效

當歸去蘆頭

白芍藥

人參各壹錢

甘草炙分

桔梗

陳皮各壹錢

右咬咀煎五分時時少服愈

七氣湯 治七氣所傷痰涎結聚心腹亦痛不能飲食

半夏製焙伍兩

人參

辣桂去皮各壹兩

甘草半兩

右剉細每服三錢水一大盞薑五片棗一枚煎食

前服

指迷七氣湯 治七情相干陰陽不升降氣道壅滯

攻衝作疼

青皮

陳皮

桔梗

蓬朮

辣桂

益智仁各壹兩

香附子

甘草

加半夏製各半錢半

右判細每服三錢水一盞薑四片棗一枚煎至七

分不拘時服

張煥寬中湯 治心腹疼痛不可忍者

高良薑

木香各半兩

丁香

青橘皮炒黃

桔梗

甘草炙各壹分

右件搗羅為細末每服半錢溫酒調下

蓬莪朮丹

蓬莪朮

炮製乘熱剉碎當歸洗焙乾各壹兩

木香

人參去蘆

桂心各半兩

黑牽牛炒微黃壹分

右件搗羅為末細白麪糊和丸如黍米大每服十

粒煎生薑湯下量兒大小加減

溫胃丹 治腹痛啼哭不止

人參去蘆

白朮炮各壹兩

五味子

當歸洗焙乾

高良薑各半兩

木香壹兩

右件搗為細末白麪糊和丸如黍米大每服十粒

米飲下

橘香散

青橘皮 炒

吳茱萸

木香

當歸 洗焙乾 各壹兩

乾薑 炮

丁香 各半

右件搗羅為末每服一錢水八分一盞入生薑二片煎五分去滓放溫熱服食前

曾氏藿香湯

和脾胃進飲食理腹痛散邪氣

藿香 炒

良薑 剉碎用棗壁上 炒各壹兩半

蒼朮 米泔水浸 宿去麤皮慮 乾剉片炒至微黃色貳兩 甘草 炙壹兩

右剉焙為末每服一錢燒鹽湯空心調下

熱痛 錢氏云熱痛亦啼叫不止夜發面赤唇焦小便

赤黃與三黃丸 裏人參湯下

嬰孺治小兒腹痛天糾不能哺乳茯苓丸方

茯苓

黃連 各壹兩

右為末用蜜為丸如大豆大飲下量加

積痛 錢積痛口中氣溫面黃白目無精光或白睛多

及多睡畏食或大便酸臭者當磨積宜消積丸甚者

白餅子下之後和胃用白朮散 消積丸白餅子方見 癖白朮散方見消渴

曾積痛腹中陰陰而痛面黃不食兒大者口吐酸

餽氣先治積滯後調脾胃其痛自止仍辨虛實和解

復有腹痛積痛 刀斗七

百三

治法見後癖積條中

湯氏三稜散 治積氣肚痛

砂仁

甘草

益智炒去殼

三稜

蓬朮

青皮炒各等分

右為末白湯點下

丹溪云食積腹痛必用紫蘇萊菔子之類 初虞世

治小兒好喫粽成肚痛用黃連白酒藥等分為丸服

蟲痛 蟲痛面皃白心腹痛口中沫及清水出發痛有

時 田氏云蟲痛啼哭俛仰坐卧不安自按心腹時

時大叫面無正色或青或黃唇白又目無精色口吐

涎沫此為蟲痛 錢氏云積痛食痛虛痛大同小異

惟蟲痛者當口淡而沫自出治之隨其證用藥蟲與

癩相似小兒本怯故胃虛冷則蟲動而心痛與癩略

相似但目不斜手不搐也安蟲散主之 曾氏云蛇

蟲動痛口吐清水涎沫或吐出蟲痛不堪忍其疾因

食甘肥葷腥太早而得故胃寒蟲動作痛其蟲吐來

或生或死兒小者此痛苦甚亦致危難先以理中湯

吐瀉加烏梅水煎服使胃煖不逆次蘆薈丸瘡使君

子丸化蟲飲主之有兒大者面皃白而間黃色肉食

倍進肌體消瘦腹中時復作痛此有血髓蛇蟲雜乎

復痛蟲痛

刀針

百

其間以二聖丸下之。又有胃受極寒極熱亦令蟲動或微痛或不痛遽然吐出法當安蟲爲上若以治蟲反傷胃氣固不可也。因寒而動者用理中湯加烏梅水煎服。因熱而動者用吡咀五苓散亦加烏梅水薑煎投。辛氏女子五歲病蟲痛諸醫以巴豆乾漆硃砂之屬治之不效。至五日外多哭而俛仰睡卧不安。自按心腹時大叫面無正色或青或黃或白或黑。目無光而慢唇白吐沫至六日胸高而卧轉不安。召錢至錢詳視之用蕪荑散三服見目不除青色大驚。曰此病大困若更加瀉則爲逆矣。至次日辛見錢曰

夜來三更果瀉錢於瀉盆中看如藥汁以杖攪之見有丸藥錢曰此子肌厚當氣實今證反虛不可治也。辛曰何以然錢曰脾虛胃冷則蟲動而今反目青此肝乘脾又更加瀉知其氣極虛也。而丸藥隨糞下卽脾胃已脫兼形病不相應故知死病後五日昏篤七日而死。

錢氏安蟲散 治小兒蟲癆

胡粉 炒黃

鶴蝮 炒黃

川棟子 去皮核

白礬 枯 錢半

右爲細末每服一字大者五分米飲調下痛時服

治蟲動痛極不可忍用乾漆半兩檳榔壹枚生用窰
老壹塊再煨細研三件一處為末空心熱酒調良
久取下蟲立愈驗窰老惡窰中
煨過淘物也
又方用乾漆壹兩搗碎炒令煙盡出用新汲水入生
麻油空心調下

錢氏安蟲丸 治上中二焦虛或胃寒蟲動及痛

乾漆炒烟盡
貳分 雄黃壹分 巴豆霜壹錢

右為細末糊丸如黍米大量兒大小服之取東引
石榴根煎湯下或苦楝根或蕪荑湯下五七丸至
二三十丸發時服

蕪荑散 主治同前凡小兒痛時便高聲啼叫人中

上鼻頭唇口一時黑色脉法當沉弱而弦今反脉
大是蟲證也

白蕪荑 乾漆炒各
等分

右為細末每服一字或五分或一錢米飲調下發
時服

使君子丸 治腹內諸蟲作痛口吐清水

使君子肉薄切屋
瓦焙乾 檳榔 酸石榴根皮東

者佳淨
洗剉焙 大黃半生半炮
各半錢半

右除檳榔剉曬不過火餘三味再焙同檳榔為末

沙糖水煮麩糊丸麻仁大每服三十九至五十九
淡豬肉汁空心下或雞肉汁亦好

化蟲飲 消化蟲毒在腹作痛

檳榔

酸石榴根皮

淨洗焙乾 各壹兩

紅丹

煨過

雷丸

貫衆

如雞頭者佳

使君子肉

薄切焙各 貳錢半

甘草

炙

枳殼

去瓢麩 炒微黃

大黃

各伍錢

右為細末用清油煎雞子一枚如春餅樣候冷抄藥末一錢於上攤勻空心捲而食之兒小者用糯米粉水煮糊丸粟殼大每服十五粒至三十丸以

淡豬肉汁空心下雞肉汁亦好

二聖丸 治腹內諸蟲及消穀逐水下氣去風

檳榔

壹兩

巴豆

拾伍粒去殼膜 心大好者存油

右檳榔剉曬為末巴豆碎切在乳鉢內極細杵仍入檳榔末同再杵勻麩糊丸葉豆大每服七十七丸至九十九丸用溫茶清五更初空心止一投藥見蟲下盡進以稀粥自安

鎖肚痛

曾

一月後嬰孩忽乳不下咽肚硬如石赤如朱撮口而哭面青唇黑手足口氣俱冷是也始因斷臍帶不緊為風冷所乘證亦危急以白芍藥湯

烏

梅散一字金 臍風 投之日久則難愈更參考臍風證

內議論

烏梅散 治腹疼及初生嬰孩臍下冷痛疝氣等疾

烏梅 去核

玄胡索

粉草 半生半炙

乳香

沒藥

鈞藤 各貳錢半

右件咬咀每服二錢水一盞煎七分空心温服

湯小兒腹痛曲腰乾哭無淚面青白唇

黑肢冷為盤腸內釣凡有此證急煎葱湯淋洗其腹

揉之葱熨臍腹間良久尿自痛中出其疼立止續次

服藥

乳香

沒藥 各少許透明者細研

右件木香一塊於乳鉢內磨水一分滾數沸調乳

沒末此藥只一服效

薛小兒盤腸氣者痛則曲腰乾啼額上有汗皆由肝

經風邪所搏也肝腎居下故痛則曲腰乾啼者風燥

其液故無淚也額上有汗者風木助心火也口閉足

冷者脾氣不營也下利青糞者肝木乘脾也皆由產

下澡洗受風冷所致當服鈞藤膏之類若乳母及兒

受寒邪者用沉香湯之類若兒額間有汗口閉脚冷

乃虛寒也用當歸散 見前 或沉香降氣湯之類若面

赤唇焦小便不通小腹脹痛者乃小腸熱也用人參湯送下三黃丸裏熱若因乳母飲食停滯者用保和丸宿食懷抱氣鬱者加味歸脾湯驚悸怒動肝火者加味道遙散虛熱子母俱服並佳

內釣

乳香研

沒藥研

木香

薑黃各肆錢

木鼈子仁貳拾壹箇

右先將後三味同為細末次研入上二味煉蜜和成劑收貯每一歲兒可服半皂子大餘以意加減

煎釣藤湯化下無時次用魏香散

魏香散

蓬木半兩

阿魏壹錢

右先用溫水化阿魏浸蓬木一晝夜焙乾為細末每服一字或半錢煎紫蘇米飲空心調下

蒜乳丸 治冷證腹痛夜啼

大蒜壹稜慢火煨香熟研爛

乳香另研伍分

右研為丸如芥菜子大每服七粒乳汁送下
異香散 治小兒諸般吊證角弓反張胸高臍凸
用透明沒藥一味為末薑湯調下

癥瘕痛會癥瘕痛乃積久所致由榮衛俱虛外則感受風寒內則過傷乳食停滯既久不能尅化故邪併於陰爲癥陰則專靜凝而不移邪併於陽爲瘕假物象形動而不息若久而不治亦成脾疝積或兩脇間有塊如石按之則痛不按則輕或面黃肌瘦肚硬而脹及有青筋晝涼夜熱蒸潮無時乳食減少愛喫泥土或大便瀉瀉痛則身冷如水法當調脾養胃用醒脾散慢驚參苓白朮散不乳食磨積理疝用化癖丸癖三稜散宿食木香莪朮丸宿食治釀瀉沒石子丸瀉沉香檳榔丸癖積然此積滯之疾非七劑可療必須

次第調理則日久自然平復

疝痛曾始則腹內一小長塊其硬如臂從腰纏轉或左或右良久痛甚則見於皮下不妨乳食其證先因有疾表解未盡遽爾下之太過氣虛寒搏鬱結而成法宜益氣理虛用參苓白朮散不乳食沉香檳榔丸癖木香莪朮丸宿食爲治或間投白芍藥湯疝加人參茯苓水薑煎服

癥瘕治法詳癥門 按癥瘕疝癖四證大同小異治法亦無大分別似不必瑣瑣作名亦可也

吊腎偏墜痛證治在陰腫門

寒疝痛證治在疝門

補虛芍藥甘草湯 治出疹肚疼腹滿小便不通

芍藥 壹兩 甘草 貳錢

右剉散白水煎服

聖惠人參散 治小兒卒吐下腹痛不止

人參 去蘆 當歸 剉微炒 甘草 炙微

乾薑 炮裂 黃耆 剉各壹分 細辛 壹分

右件藥搗羅羅為散每服一錢以水一小盞煎至

五分去滓稍熱服量兒大小以意加減頻服

錢乙附方和中散 和胃氣止吐瀉定煩渴治腹痛

思食

人參 去蘆 白茯苓 白朮

甘草 剉炒 乾葛 剉 黃耆

白扁豆 炒 藿香葉 各等分

右為細末每服三錢水一盞乾棗二箇去核薑五

片煎至八分食前溫服

外治莊氏家傳小兒未能語啼哭不能辨者當以手

候其腹如有實硬處即是腹痛治之方研生薑取汁

煖令溫調麩成糊塗紙上貼臍心立定

瘦痛補虛 外治

幼科七

百零

測其即咳首實胸氣喘急身熱黃白

不食華丸寒熱小兒未消諸病哭不消轉各當以手

式煎至八分食前搥服

聖古為味末每服三錢水一盞煎藥二箇去其薑正

白扁豆炒

藜香藥各

甘草性炒

葶藶性

黃香

人參去蘆

白芥子

錢以白木小盞煎

思食

腹脹

錢腹脹由脾胃虛氣攻作也實者悶亂喘滿可下之

用紫霜丸白餅子

此言未下而喘者為實故可下若誤下而喘者為虛氣附肺不可下

也紫霜丸白餅子二方見癖

不喘者虛也不可下若誤下之則脾

虛氣上附肺而行肺與脾子母皆虛肺主目胞腮之

類脾主四肢母氣虛甚即目胞腮腫四肢黃色治之

用塌氣丸漸消之未愈漸加丸數不可以丁香木香

橘皮荳蔻大溫散藥治之何以然脾虛氣未出故雖

腹脹而不喘可以溫散藥治之使上下分消其氣則

腹脹

幼科七

百零

愈矣若氣虛已出附肺而行即脾胃內弱每生虛氣
入於四肢面目矣小兒易為虛實脾虛則不受寒溫
服寒則生冷服溫則生熱當識此勿誤也胃久虛熱
多生疽病或引飲不止脾虛不能勝腎隨肺氣上行
於四肢而目腫若水狀腎氣漫浮於肺即大喘也此
當用塌氣丸病愈後而未紅者虛未復故也此下
故宜塌氣丸若未 治腹脹如行兵戰寇於林
下而喘直下之
寇未出林以兵攻之必可獲若出林不可急攻
則必有失當以意漸收之即順也寇未出林謂虛氣
飽腮腫故可用丁香木香大溫散藥上下分消其氣
而愈也寇已出林謂虛氣已出為喘為目腮腫須用

塌氣丸
漸消之

治小兒虛腹脹先服塌氣丸不愈腹中有

食積結糞小便黃時微喘脉伏而實時飲水能食者
可下之蓋脾初虛而後有積所治宜先補脾然後下
之後又補脾即愈也不可補肺恐生虛喘

潔古腹脹虛實 凡久病吐瀉之後虛則其脉微細

肺主目胞及腮脾主四肢若色淡黃目胞腮虛腫手

足冷先服塌氣丸後服異功散和中丸四君子湯益

黃散之類用諸溫藥養真氣異功散和中丸四君子湯

實則脉洪實不因吐瀉久病後亦不因痢下腹脹而

喘急悶亂更有痰有熱及有宿食不化而腹脹者宜

復長

方十七

百四三

服白餅子大黃丸解毒丸下之兼須詳認大小便如
都不通先利小便後利大便白餅子方見癖解毒丸
寒傷雲岐云小兒熱結於內腹脹壯熱大便赤黃躁
悶煩亂者宜瀉黃丸

薛東垣云寒脹多熱脹少皆主於脾胃虛者宜用六
君子湯若喘而氣短者脾肺氣虛也用異功散補之
若服尅伐之類而喘脹益甚者脾肺之氣復傷也用
前湯加半夏升麻若既下而不喘則邪氣去而肺氣
寧也不必用藥或病久小便不利或四肢浮腫者脾
肺之氣虛不能通調水道也用金匱如減腎氣丸主

之或手足逆冷睡而露睛脾胃虛寒也用六君子加
炮薑手足不冷睡而露睛脾胃虛弱也用六君子湯
若面色青木尅土也用六君子木香柴胡更當調治乳
母節其飲食恐藥餌過劑復傷胃氣故也 一小兒
腹脹面赤痰喘大便秘壯熱飲冷此形病俱實用紫
霜丸一服諸證益甚面色頓白飲湯不絕余以爲邪
氣退而真氣復傷故面白而喜湯用白朮散大劑煎
湯令恣飲良久而睡翼日頓安 一小兒傷食腹脹
胸滿有痰余治以異功散而痊後復傷食腹脹兼痛
或用藥下之痛脹益甚而加氣喘此脾胃傷而致肺

復長 刀斗七 百四

虛也用六君子加桔梗調補而痊 一小兒腹脹惡
食發熱惡心證類外感余曰此飲食停滯也用保和
丸一服諸證頓退惟腹脹用異功散而痊 一小兒
傷食腹脹服尅伐之劑小便澀滯又服五苓散之類
飲食漸減小便不通四肢頓腫余朝用金匱腎氣丸
去附子夕用補中益氣湯而安 一小兒腹脹大便
青白腹左一塊面色痿黃齒齲赤爛食少滯頤余用
異功散調補中氣爲主佐以大蕪荑湯清疳治熱月
餘諸證稍愈仍服異功散及蚶蟆丸外貼阿魏膏兩
月塊消左脇微痛用四君子湯丸味蘆薈丸而愈

百問云有疝脹氣脹癥積脹鎖肚脹腕膈脹食膨脹
虺脹虛冷積脹其疝氣積脹宜先與保童兼塌氣以
去之其痞癖氣脹癥積脹宜三稜以消痞其鎖肚脹
宜與珍珠天麻丸以通之其上膈中脘食傷膨脹宜
三稜塌氣大棗連丸以消磨之其虺脹宜下蟲丸以
化之其虛冷積脹宜沉香煎以溫之以上諸證宜調
和胃氣消磨通利腫脹必然平復矣如有熱者必以
葶藶牽牛等輩以治之推氣丸劑亦可用 按百問
分證雖詳而偏於攻下若無錢張活法薛氏補法以
主之鮮不殺人慎之

寒場氣丸

胡椒 壹兩

蝎尾 半兩

右為末糊丸如粟米大每服五七丸至一二十丸

陳米飲下無時 一方有木香壹錢

錢氏潔古所用場氣丸乃此二味不可誤用後有

牽牛者慎之

本事調中丸 治小兒久傷脾胃腹脹

乾薑

橘紅

白朮

茯苓

木香

砂仁

官桂

良薑 各等分

右細末糊丸如麻子大每服二三十九丸食後熟水

下

聖惠治小兒脾虛腹脹不能乳食訶梨勒丸

訶梨勒 煨用皮

厚朴 去麤皮塗生薑汁炙令香熟

陳橘皮 湯浸去白焙各半兩

乾薑 炮裂剉

甘草 炙微赤剉

木香

白朮

人參 去蘆頭各壹分

右件藥搗羅為末鍊蜜和丸如麻子大每服以粥

飲下五九日三四服量兒大小加減服之

張氏溫脾散 治脾胃虧損腹脇虛脹乳食不進困

倦無力

訶子肉

人參 各半錢

白朮

木香

桔梗

茯苓

藿香

陳皮

黃耆 各伍錢

甘草 各貳錢半

右每服二三錢薑棗水煎

冷積沉香煎 治脾氣冷積

乳香

沉香

丁香

杏仁 炒

百草霜

木香 各壹錢

肉豆蔻 壹箇煨

巴豆 拾肆粒出油如霜

右為末酒煮蠟和丸棗豆大每服三五丸淡生薑

湯送下應患肚痛不止服之效常服以通為度

疳三因肥兒丸 治小兒病多因缺乳喫食太早所致

或因久患藏府胃虛蟲動日漸羸瘦腹大不能行

髮豎發熱無精神

黃連

神麩 各壹兩

麥芽 炒半兩

木香 貳錢

檳榔 叁箇不見火

使君子

肉豆蔻 麵裏煨各半兩

右為末糊為丸如桐子大每服三二十九量兒如

減熟水吞下

六神丸 治如前證

丁香

木香

肉豆蔻

用麩裹煨 各伍錢

訶子

煨去核 半兩

使君子

蘆薈

研各 壹兩

右爲末以棗肉和丸如麻子大每服五丸至七丸 温米飲下食前

治小兒疳病或腹大

胡黃連

貳錢去 果積

阿魏

壹兩半 去肉積

神麩

貳錢去 食積

黃連

貳錢去 熱積

麝香

肆粒 通竅

右爲末每服十二粒白朮湯下

褐丸子 治疳腫脹

蘿蔔子

壹兩 微炒

陳皮

青皮

檳榔

五靈脂

蓬朮

煨

黑牽牛

取淨末半 生半炒

赤茯苓

各半 兩

木香

貳錢 半

右爲末麩糊丸菘豆大每服十五丸紫蘇葉或白

湯下

五疳保童丸 治五種疳疾

五倍子

生

青黛

夜明砂

布裹 洗

苦楝根皮

蘆薈

熊膽

研入

黃連

去毛

龍膽草

注用

乾蟾

酥炙去 皮骨

用服
玄和

麝香

研入

蕪荑

取仁

蟬退

去土各等分

右末用粟米糊為丸麻子大一歲兒二十九飯飲

下二三服

幼科有丁奚哺露無辜等名其證腹大頸小黃瘦皆疳脹之異名也輕則為此重則為彼耳今仍舊別立門於疳後

氣楊氏塌氣散 治小兒腹脹氣喘體腫面浮

陳米

壹合炒黃

青皮

去穰巴豆貳拾壹粒炒黃色去巴豆

甘草

炙各半兩

黑牽牛

貳錢半半生半炒

肉豆蔻

貳箇煨香

右末半錢米飲調下加檳榔壹箇

塌氣丸 治小兒疳氣腹脹喘急并面浮腫

丁香

胡椒

炒各伍錢

蘿蔔子

炒

白牽牛

各柒錢半

右為末麩糊丸小豆大三歲三十九米湯下

塌氣散 治小兒腹脹氣麤并疳疾相攻面目浮腫

木香

壹錢

青皮

半兩

巴豆

叁拾粒同炒豆黃

豆

右為末三歲半錢米湯下食前連進即效

分氣飲 治小兒腫脹作喘氣短而急

扁

復長氣

切斗七

三九

用
么禾

桔梗
赤茯苓
陳皮

桑白皮剉
大腹皮
枳殼炒

半夏麩
真蘇子微炒
紫蘇

甘草炙各
貳錢
草果仁壹錢

右判散每服一錢半薑棗煎服

三稜煎丸 治嬰孩食傷生冷甜膩毒熱等物脾胃

積滯久不尅化令兒肚熱脚冷痞癖寒熱及療癥

瘕中腕不和膨脹上膈氣壅心腹不得宣通所以

作疾此藥溫良但是諸積滯食不化並宜與服

京三稜成塊
煮
蓬朮並炮各
半兩
芫花貳錢半
醋浸炒

鼈甲去裙米醋
炙焦半兩
淡豆豉貳錢
巴豆貳拾壹
粒去殼

川當歸半兩
杏仁去皮尖貳錢
半炒令赤

右前四味一處以米醋一碗煮令乾仍用炒起更

細剉焙為末次入當歸末杏仁巴豆淡豆豉和勻

水煮麪糊為丸麻子大每服二十九薑湯下大小

加減服之

三稜丸 治小兒停積腹脇脹滿乾嘔惡心全不入

食

三稜煨
木香
神麪炒

陳皮去白
半夏薑汁製
各壹兩
丁香

復長發積
刀斗二
百

官桂 各半

右為末麩糊丸如黃米大二十九乳食後溫生薑湯下

阿魏丸 治小兒食積腹如蜘蛛狀肚痛小便白濁

阿魏 醋浸一宿 黃連 炒 連翹 各半

花碱 研如粉 山查肉 壹兩 半夏 皂角水浸一宿壹兩

右為末炒神麩糊丸如荷子大每服二十九空心米飲下喫果子多者加胡黃連米食多者加神麩山查肉食多者加阿魏

又阿魏丸

阿魏 壹兩 黃連 酒煮陸兩

右為末醋浸阿魏一宿研如泥湯浸蒸餅丸如元氣不足加人參

小阿魏丸

山查肉 叁兩 石碱 叁錢 半夏 壹兩

右為末阿魏半兩醋浸糊丸白湯下

鑽肚 真珠天麻丸 治急驚風請量用之以通為度此方

仍治吊腸鎖肚撮口至妙丸如麻子大初生患者三日三丸五日五丸七日七丸加青黛名青黛丸

天南星 炮 天麻 白附子 炮各貳錢半

腹脹

膩粉 半錢

巴霜 壹字

蕪荑 炒

全蝎

滑石 各壹錢半

右為末煮細麩糊丸如麻子大每服一歲五丸二

歲十丸大小加減薄荷湯點茶清送下

膨脹

大棗連丸 治小兒飲食過度胸膈膨脹上下氣不

宣通鬱滯迷悶情思少樂大則作喘飲食不化作

渴煩躁坐卧不任肢體倦怠腹脇疼痛

蓬朮

京三稜 各貳錢半醋煮乾薑炮

青皮

陳皮 去白 木香

丁香 各參錢

巴豆 貳拾壹粒去膜心出油

綠細小茱萸 貳錢

右為末醋糊丸麻子大每服七丸至十九丸大者加

服生薑棗子湯下

下蟲丸 治蛔疳諸蟲

苦楝根皮 酒浸焙

綠色貫衆

木香

桃仁 浸去皮焙

蕪荑 焙

雞心檳榔 各壹錢

鶴蝨 炒

輕粉 各半錢

乾蝦蟆 炙焦參錢

史君子 伍拾箇煨取肉用

右為末飛麩糊丸麻子大每服二十九天明清肉

汁下內加當歸川連各貳錢半治脊疳兼疳勞

復長綱

刀斗七

直生

遇僊丹 治諸蟲取諸積

牽牛 參斤

大腹子 貳斤

錫灰 各乾為末

大黃 肆兩

雷丸 肆兩

青木香

鶴蝨

乾漆 各貳兩

皂角 肆條

右後四味煎水用粟米煮粥初用牽牛末次用大腹末三用錫灰四用大黃五用雷丸六用青木香和劑丸如梧桐子大每服五七丸用薑湯熟水送下 此藥專治男子婦人積蟲氣塊五勞七傷赤白痢疾便血注下皮黃水腫十般氣十一般惡蟲又進飲食除病悅顏色不與他藥相反四季可

服細末三四錢量大小加減服時不喫晚飯三更用茶清下次早桶子內蟲積及粒米盡方可洗面溫粥補之傷寒孕婦不可服

東垣治脹不犯上下二焦用素問中滿者寫之於內之法實者分氣消積虛者升陽滋血治者當師其意而活用之勝前所用排擊諸方遠矣

普者分氣消積

中滿分消丸

黃連

枳實

厚朴 各伍錢

乾薑

薑黃

豬苓

砂仁

澤瀉

茯苓 各參分

服法

陳皮

白朮

半夏

黃芩

甘草

厚朴

右為細末蒸餅為丸如黍米大每服二十九溫酒送下

消痞丸

快利之劑

黃連

枳實

黃芩

甘草

人參

厚朴

乾薑

橘皮

薑黃

右為細末蒸餅為丸如黍米大每服二十九隨乳下

丹腹脹

蘿蔔子

蘇梗

乾葛

陳皮

甘草

如食減加白朮煎服

升陽滋血湯 二月間一小兒未滿百日病腹脹不

大便二日便瘦弱遍身黃色宜升陽氣滋血和血

補血利大便

蝎稍

神麩

厚朴

當歸

桃仁

升麻

右作一服水一盞煎至半盞去渣食前服

虛者
血

復長

切月二

百者

麻黃升麻湯 治小兒面色痿黃腹脹食不下正月

四月小兒服之神効

麻黃貳分 桂枝 杏仁

吳茱萸 草豆蔻 厚朴

麴末 羌活 白茯苓

升麻根 蒼朮 澤瀉

豬苓 陳皮 黃檗各壹分

柴胡根 白朮 青皮

黃連各伍分

石咬咀作一服水一大盞煎七分去查食前熱服

水腫

演山腫脹二證此由虛中有積久患失治日漸傳變

證候多端隨輕重察盛衰審表裏以主治先固其本

後正其標斯無恙矣 錢腫病腎熱傳於膀胱熱盛

逆於脾胃脾虛而不能制腎水反尅脾土脾隨水行

脾主四肢故流走而身面皆腫也若加喘者重也何

以然腎水勝而尅退脾土反勝心火心又勝肺肺為

心尅故喘或問曰心刑肺肺本見虛今何喘實曰此

有二一者肺大喘此五藏逆二者腎水氣上行傍侵

於肺故令大喘此皆難治

曾氏治法

原腫病之由標本之疾腎主元氣天一之水生焉肺主冲化地四之金屬焉腎為本而肺為標皆至陰以積水其為病也腎者胃之關鍵關鍵不利樞機不轉水乃不行滲於脉絡皮膚而為浮腫當推究内外所因而為施治兒大者憑脉以明虛實古方有十種論證短氣不得卧為心水兩脇緊痛為肝水大便鴨溇為肺水四肢苦重為脾水腰痛足冷為腎水口苦咽乾為膽水乍虛乍實為大腸水腹急肢瘦為膀胱水

小便閉澀為胃水小腹急滿為小腸水然脉浮為風為虛沉伏為水病沉則脉絡虛伏則小便難即為正水脾脉虛大多作脾腫因循不治乃成水腫盖脾屬土喜燥而惡濕常感濕氣濕喜傷脾血化為水土敗不能制水則停蓄不行留滯皮膚故作浮腫初得病時見眼胞早晨浮突至午後稍消以羌活散赤白疎解次醒脾散慢驚主之及間投南星腹皮散其脾冷困則燥以草果縮砂之類然此證夏與秋冬治之頗易惟春不然盖四時之水無如春水泛溢兼肝木旺而脾土受尅不能受水所以難療進退不常須徐徐

調理取効 若脾熱而困又以熱藥燥之雖火能生
土亦可勝水奈何燥之太過土不敵火則熱愈甚而
不食發熱煩渴醫者又進之以燥劑由此而面目轉
浮致脾敗而手足背皆腫蓋手足背與臍凸即脾之
外候有未經發表遽用下藥以瀉之則一瀉而腫消
乃曰得瀉之力殊不知脾愈瀉而愈虛不逾旬月其
腫如初此世人只知瀉腫為最而不求其十補勿一
瀉之論法當隨四時用藥解表通利小便春以七寶
散傷寒加麻黃桂枝赤茯苓水薑葱煎服夏以五苓
散驚加麻黃車前子薏苡仁秋以清肺飲嗽加羌活

細辛商陸冬以冲和飲

傷寒

加白朮生川烏赤小豆

已上三藥並用水薑葱煎次投滋潤救脾導水湯劑

滲泄之乃為良法更以香陸胃苓丸赤蒼飲頓服自

然獲安蓋內經云開鬼門

發汗

潔淨府

利小便

平治

權衡以平為期此之謂也

有初中便覺痰嗽氣喘

小水不通正屬肺腎所主先服解表散

咳嗽

次以三

白散為治餘證輕者投商陸丸故經曰其高者因而

越之即湧吐之義也下者引而竭之即滲泄之義也

凡得此病非一朝一夕之故不可以孟浪之藥求其

速効以致虛脫如愈後再感外風滿面虛浮用排風

湯驚癱和鶴膝解仍服前救脾湯劑免致反復飲食之忌
惟鹽醬齏鮓濕麪皆味鹹能溢水者併其他生冷毒
物亦宜戒之重則半載輕者三月須脾胃平復腫消
氣實然後於飲食中旋以燒鹽少投則其疾自不再
作故劉氏曰治腫非易補養尤難所忌者切須詳審
有經久不消者下瀆川丸即效
南星腹皮散 主腫疾欲愈未愈之間脾胃虛慢氣
促痰喘腹脹胸滿飲減精神困小便不利面色痿
黃

南星 製壹兩

大腹皮 淨洗焙乾

生薑皮

陳皮 去白

青皮 去白

桑白皮 剉炒

甘草

扁豆 炒去殼各半兩

右碎每服貳錢水一盞薑二片煎七分無時溫服

香陸胃苓丸 治腫疾日久不愈此藥大能實脾導

水多服取効

丁香 去梗

商陸

赤小豆

陳皮 去白

甘草 炙各貳兩

蒼朮 米泔水浸一宿去

皮瀘乾剉片炒微黃色

澤瀉 去麤皮各貳兩半

赤茯苓 去皮

豬苓 去皮

白朮 各壹兩半

肉桂 去麤皮壹兩

厚朴 去麤皮用生薑汁炙令香熟貳兩

水腫

切半

百

右除丁香肉桂不過火餘藥剉焙同二味爲末用
麩微炒水浸透煮糊丸菉豆大每服三十丸至五
十九或七十七丸空心温湯下兒小者丸作粟穀
大吞服之粒數引子並如前法

赤蒼飲主脾胃因虛受濕面貌浮黃或遍身作腫

飲食減少氣不升降小便赤色肚膨脹咳嗽有痰

及腫管服神効加草果仁炮過水薑棗煎投

赤茯苓去皮 蒼朮去麤皮朱泔水浸一宿濾

枳殼製壹兩 藿香和根 半夏湯煮透

淨香附 紫蘇和梗 厚朴去麤皮薑

陳皮去白各柒錢半 甘草炙壹兩貳錢

右剉每服二錢水一盞 薑二片煎七分無時温

服

三白散 解初中腫疾四肢膚囊浮脹大小便不利

皆因膀胱蘊熱風濕相乘

白牽牛半生半炒杵碎 桑白皮剉炒 白朮

木通去皮節 陳皮去白 甘草各半兩

右碎每服二錢水一盞煎七分無時服

商陸丸 治水腫小便不通勿拘遠近

商陸壹兩 淨黃連半兩

右焙為末薑汁煮麩糊丸棗豆大每服三十九至
五十丸用溫紫蘇熟水空心下或溫葱湯

瀟川丸 治水腫及單腹滿脹氣促食減遍身面浮

大戟 芫花 醋炒 沉香

檀香 南木香 檳榔

蓬莪朮 大腹皮 乾洗焙 桑白皮 剉炒各半兩

黑白牽牛 曬研取生木壹兩 巴豆 去殼膜心存油叁拾

右除牽牛末巴豆外前丸味內有沉香檀香木香
檳榔不過火餘五味焙乾同沉香等為末就加牽

牛末和勻巴豆碎切在乳鉢內極細杵入前藥末
同再杵勻水煮麩糊丸麻仁大每服十七丸濃煎
葱湯候溫五更初空心下去水未盡停一日減用
十三丸次減作九丸再減至七丸湯使下法如前
證退即止仍投南星腹皮散如單腹腫甚能飲食
氣壯者加甘遂末同丸取效仍忌有甘草藥餌相
反

演山翁治法

受濕腫 脚手面日虛浮 食毒氣腫 腹肚腎急 傷寒虛氣入

腹腫 瀉痢虛氣入腹腫 此四種所患病不相同

皆由虛得之受濕謂脾胃受濕冷久不尅化氣浮四肢頭面皆腫食毒氣由脾胃傷之冷積毒氣停留胃脘致虛入腹作腫傷寒由下之太早乘虛入腹作腫瀉痢之久脾氣亦虛是以致腫以上宜平調胃氣補臟充實方可去腫先服四味理中無減半乾薑加白朮桑白皮同煎傷寒虛腫加枳實作喘加淡豆豉瀉痢虛腫服正氣調胃胃氣既壯以救生丹利之其腫卽退再調補臟腑用觀音散卽平復矣

氣虛腫

亦名氣虛

血虛腫

亦名血虛

榮衛俱虛腫

亦名氣虛

小兒所患腫脹一門最爲要急前人少有究竟然腫

脹之作皆由榮衛不順臟腑怯弱壅滯三焦流注白脉表裏俱虛邪正相亂所以致受四大浮盛腹肚膨滿多由食毒得之飲食得之癥傷得之饑飽得之積久不化故成斯病病由虛得或則妄亂通下因虛致虛根不得去疾加已盛是謂壞證危候智者怯而爲辭庸者暴以攻擊二醫不同誠屬難治智者商之良者審之疑者塌之疑其病盛不可利以與塌其氣明者調之正榮衛也先調榮衛之順次服分氣飲子以散其滯斯病去矣榮衛飲子 調補嬰孩氣血俱虛榮衛不順四肢頭面手足俱浮腫以至喘急者並宜服之

川當歸

熟乾地黄

淨洗

人參

白茯苓

川芎

白朮

甘草

白芍藥

枳殼

炒別製

黃耆

蜜炙

陳皮

右件等分咬咀每服二錢七水一小盞煎至半盞去滓通口不拘時候

議曰榮者血溫流行於脉衛者氣順調和於絡是故榮行脉中衛行脉外陰陽相安循環無止自幼至長不離呼吸無少滯礙其脉方調其氣乃順呼吸之間脉不應息氣有違滯流注經絡隱伏臟腑

百病皆由茲始此方最良雖兒幼小並可與服以壯其根使血榮氣衛順且和矣腑寒臟虛溫且壯矣盈虧自然而平怯弱自然而正陰陽調均氣脉充實何病之有

分氣飲子 調理小兒腫脹作喘氣短促急坐卧不任四體浮腫飲食嘔逆神困喜睡

五味子

桔梗

白茯苓

甘草

陳橘皮

桑白皮

草

大腹皮

白朮

枳

川當歸

紫蘇

心

刀

百

蘇子

半夏麩

右等分咬咀每服二大錢七水一小盞生薑二小片棗子半箇煎至半盞去滓通口不拘時候兼八味理中丸煎服 以上宜用救生丹通利

議曰清濁無混邪正不干上焦得之清涼下部受之温煖氣滯則少升降血虛則多流注雖是乳子呼吸一息其脉之至徐徐應指不遺其數者亦同大人流行但隨小大受之短淺而已若也留滯其脉遲數即太過不及而病生焉善療治者鬱則分之逆則順之停則利之滯則降之調理之法先宜

順氣大抵嬰孩氣順即易治此方分氣與分水穀之分者不同明者察之

大効神功救生丹 治小兒氣虛喘息四肢浮腫肚

腹脹急衝滿脇肋乍熱乍寒或瀉或秘皆由久停

虛積榮衛不順宜用推去其惡毒之氣

雄黃 另研

朱砂 各壹分

巴豆 貳拾壹粒去殼

乾薑 貳錢

右件用米醋一盞以巴薑就煮令乾去薑不用將巴出油和雄朱研勻雪糕搜丸如麻子大每一歲三丸並用酒浸赤芍藥以少許送下

薛氏治法

經曰至陰者腎水也少陰者冬脉也其本在腎其末在肺皆積水也又曰腎者胃之關也關門不利故聚水而從其類也上下溢於皮膚故跗腫腹大上爲喘呼不得卧者標本俱病也丹溪云惟腎虛不能行水脾虛不能制水與脾合又胃爲水穀之海因虛而不能傳化腎水溢反得以浸漬脾土於是三焦停滯經絡壅塞水滲於皮膚注於肌肉而發腫也其狀目胞上下微起肢體重着喘咳怔忡股間清冷小便薄而光手按成窟舉手卽滿是也其方有十

種論證又有濕氣毒氣傷寒後瀉痢後氣血虛者之五種及疝氣癥積鎖肚胸膈作膨蛔氣虛冷積者之七脹亦當詳之其受濕氣者由脾胃之氣敦阜四肢頭面皆腫也食毒者脾傷積毒停留於胃也傷寒下早者邪氣乘虛而入也瀉痢後者脾氣虛也皆宜先調胃氣次可治腫其患七脹皆由血氣不足臟腑怯弱表裏俱虛邪正相亂以致四肢浮腫腹肚膨滿亦當先調榮衛分別陰陽治法宜補中行濕利小便凡有熱者水氣在表也可汗之身無熱者水氣在裏也宜下之腰已上腫宜利小便腰已下腫宜發汗此仲

景之法也若遍身腫煩渴小便赤澀大便秘結此屬陽水遍身腫不渴大便溏泄小便清利此屬陰水陽水兼陽證者脉必浮數陰水兼陰證者脉必沉遲氣若陷下宜用二陳加升提之藥如腹脹少加木香調之若朝寬暮急屬陰虛朝用四物湯加參朮夕用加減腎氣丸朝急暮寬屬陽虛朝用六君子湯夕用加減腎氣丸朝暮皆急陰陽俱虛也用八珍湯主之真陽虛者朝用八味地黃丸夕用補中益氣湯若肚腹痞滿肢體腫脹手足並冷飲食難化或大便泄瀉呼吸氣冷者此真陽衰敗脾肺腎虛寒不能司攝而水

泛行也急用加減腎氣丸否則不治惟調補脾土多有生者

金匱加減腎氣丸

熟地黃 捌兩

乾山藥

山茱萸 各肆兩

澤瀉

白茯苓

牡丹皮 各叁兩

肉桂

附子 炮

車前子 炒

牛膝 酒微炒各壹兩

右各另為末米糊丸小豆大每服三四十九空心食前白湯下

附雜方

火重

刀針

百病

丹白文舉兒五歲身面皆腫尿多

山梔炒

桑皮炒各壹錢

黃芩貳錢半

白朮

蘇梗各壹錢半

右吹咀作三貼水一盞半煎至半盞食前溫服

湯退腫散氣方

赤小豆

陳皮

蘿蔔子

甘草各半兩

木香炮柒分

右為麤末薑棗煎服大小加減

又方

白朮炒

木香炮

甘草炙

茴香炒

青皮各半兩巴豆叁拾粒去膜同青皮炒去巴豆不用

右為末米飲調下

又方

用錢氏益黃散加木香去丁香加蘿蔔子去訶子

為末大小加減米飲調下

幼科證治準繩集之七上



Faint, illegible text in the upper section of the right page, possibly bleed-through from the reverse side. The text is arranged in vertical columns within a rectangular border.

Small, illegible characters or markings on the right edge of the page.

Small, illegible characters or markings on the right edge of the page.

